

حسینی دولا (Creole)

ÈNE JEUNE MARIÉ HUSAINI



Shaykh-e-Tareeqat, Ameer-e-Ahl-e-Sunnat, Le Fondateur de
Dawat-e-Islami, A'laamah Maulaana Abu Bilal

MUHAMMAD ILYAS

A'ttaar Qadri Razavi

داتا گادر رازی

Traduction en Créole par
Majlis-e-Tarajim (Dawat-e-Islami)

حُسَيْنِي دُولَهَا

Husaini Dulha

ÈNE JEUNE MARIÉ HUSAINI

Sa livret là finne écrire en Urdu par Shaykh-e-Tareeqat, 'Aashiq-e-Aa'la Hazrat, Ameer-e-Ahl-e-Sunnat, le fondateur de Dawat-e-Islami, **Mawlaana Abu Bilaal, Muhammad Ilyas A'ttaar Qadiri Razavi Ziyaai** دَامَتْ بَرَكَاتُهُمُ الْعَالِيَهُ Majlis-e-Taraajim (Dawat-e-Islami) finne gagne l'honneur pou traduire sa livret là en créole et présente sa devant ou. Si ou trouve kit erreur dans so traduction ou bien so composition, pas hésiter pou contacter Majlis-e-Taraajim et récolter beaucoup sawaab.

Majlis-e-Tarajim (Dawat-e-Islami)

Aalami Madani Markaz, Faizan-e-Madinah, Mahallah Saudagran,
Purani Sabzi Mandi, Bab-ul-Madinah, Karachi, Pakistan

UAN: ☎ +92-21-111-25-26-92 – Ext. 7213

Email: ✉ translation@dawateislami.net

الْحَمْدُ لِلَّهِ رَبِّ الْعَالَمِينَ وَالصَّلَاةُ وَالسَّلَامُ عَلَى سَيِّدِ الْمُرْسَلِينَ
أَمَّا بَعْدُ فَأَعُوذُ بِاللَّهِ مِنَ الشَّيْطَانِ الرَّجِيمِ بِسْمِ اللَّهِ الرَّحْمَنِ الرَّحِيمِ

Du'a pour lire ène livre

Lire sa du'a là avant étudier ène livre de l'Islam ou ène leçon islamique, **إِنْ شَاءَ اللَّهُ عَزَّ وَجَلَّ** ou pou rapel tous ce ki ou pou étudier:

اللَّهُمَّ افْتَحْ عَلَيْنَا حِكْمَتَكَ وَانْشُرْ
عَلَيْنَا رَحْمَتَكَ يَا ذَا الْجَلَالِ وَالْإِكْرَامِ

Traduction

Oh Allah **عَزَّ وَجَلَّ**! Ouvert la porte de connaissance et sagesse pou nous, et verse to bénédiction lors nous! Oh Celui ki pli honorable et glorieux!

(Al-Mustatraf, vol. 1, pg. 40)

Note: Lire Durood Shareef ène fois avant et après sa du'a là.

Table des Matières

Du'a pour lire ène livre ii

ÈNE JEUNE MARIÉ HUSAINI 1

ÈNE TIPTI TIFI MIRACULEUSE 1

ÈNE JEUNE MARIÉ HUSAINI 2

3 FRÈRES BRAVE 10

REJET DE CONFORTS DE SA LE MONDE LÀ 16

LI TI POU BON SI MO TI POU MUET 18

الْحَمْدُ لِلَّهِ رَبِّ الْعَالَمِينَ وَالصَّلَاةُ وَالسَّلَامُ عَلَى سَيِّدِ الْمُرْسَلِينَ
أَمَّا بَعْدُ فَأَعُوذُ بِاللَّهِ مِنَ الشَّيْطَانِ الرَّجِيمِ بِسْمِ اللَّهِ الرَّحْمَنِ الرَّحِيمِ ط

ÈNE JEUNE MARIÉ HUSAINI

Même combien paresse shaitaan faire ou gagner, lire sa livret là en entier et acquérir so banne barakat.

ÈNE TIPTI TIFI MIRACULEUSE

Hazrat-e-Sayyiduna Shaykh Muhammad Bin Sulayman Jazouli رَحْمَةُ اللَّهِ تَعَالَى عَلَيْهِ dire: Mo ti en voyage et finne arrive l'heure Namaaz dans ène place. Ti éna ène puit là-bas mais seulement li pas ti éna ni seau et ni la corde. Mo ti dans sa tracas là même quand ène tipti tifi finne guette moi depuis lors toit de ène lacaze et li finne dire: Ki ou pé roder? Mo finne dire: Mo tifi! La corde et seau. Li finne dire: Couma ou appeler? Mo finne réponde: Muhammad bin Sulayman Jazouli. Sa tipti tifi là finne étonner et li finne dire: "Ah d'accord! Ou même sa ki ou popularité pé répandre partout. Et ou condition li coumsa ki ou même pas capave retire de l'eau depuis dans banne puits!" En disant sa, li finne crache dans sa puit là. Et comme miracle, sa puit là so de l'eau finne monte juska là-haut et li finne coumence déborder. Après ki Hazrat-e-Sayyiduna Shaykh Muhammad bin

Sulayman Jazouli رَحْمَةُ اللهِ تَعَالَى عَلَيْهِ finne fini faire Wuzu, li finne demande sa tipti tifi miraculeuse là: Mo tifi! Dire moi la vérité, couma ou finne acquérir sa miracle là? Li finne réponde: "Mo lire Durood-e-Paak, et par so barakat même ki finne arrive moi sa faveur là." Sayyiduna Shaykh Muhammad bin Sulayman Jazouli رَحْمَةُ اللهِ تَعَالَى عَلَيْهِ finne dire: Mo finne impressionner par sa tipti tifi miraculeuse là et mo finne faire ène l'intention ferme ki mo pou écrire ène livre concernant Durood Shareef. (Sa'aada-tud-Daarayn, pg. 159) Donc, Li رَحْمَةُ اللهِ تَعَالَى عَلَيْهِ finne écrire ène livre lors Durood Shareef ki finne grandement être accepté, et livre là so nom c'est: 'Dalaail-ul-Khairaat'.

صَلُّوا عَلَى الْحَبِيبِ صَلَّى اللهُ تَعَالَى عَلَى مُحَمَّدٍ

Chers frères en Islaam! Quelques jours avant nous finne revivre banne mémoires de banne Martyrs (Shaheed) de Karbala عَلَيْهِمُ الرِّضْوَان. Vini mo raconte ou ène événement bien triste de ène jeune marié husaini. Donc, Swadr-ul-Afaazil, Hazrat-e-'Allaamah Mawlaana Sayyid Muhammad Nai'm-ud-deen Muraadaabaadi رَحْمَةُ اللهِ تَعَالَى عَلَيْهِ écrire dans so livre populaire 'Sawaanih-e-Karbala':

ÈNE JEUNE MARIÉ HUSAINI

Hazrat-e-Sayyiduna Wahab Ibn-e-'Abdullaah Kalbi رَضِيَ اللهُ تَعَالَى عَنْهُ ti ène jeune et joli missié pieux et depuis le tribu Kalb. Ti gagne

seulement 17 jours depuis ki li finne marier quand so Mama رَحِمَ اللهُ تَعَالَى عَنِّهَا, ki ti veuve et so pli grand richesse ti so sa ène garçon là, finne vinne cot li et li finne coumence pleurer. Sa garçon là finne surprit et li finne demande so mama: Oh mo Mama! Ki faire ou triste coumsa? Mo pas rappelle ki mo finne déjà désobéir ou dans mo la vie, et ni mo capave éna sa qualité audace là dans le future. Li Farz lors moi pou ki mo obéir ou, إِنَّ شَاءَ اللهُ عَزَّوَجَلَّ toute longue mo la vie mo pou soumettre moi à ou et obéir ou. Oh Mama! Ki choque ou le coeur finne gagner coumsa et ki tristesse pé faire ou pleurer coumsa? Oh mo chère Mama! Mo prêt même pou sacrifier mo la vie lors ou l'ordre, pas bizin reste triste coumsa.

Quand sa mama là finne entendre sa conversation de so garçon là, li finne coumence pleurer encore pli fort et li finne dire: Oh mo bien-aimé garçon! To lumière de mo lizié, trankilité de mo le coeur. Oh lumière de mo lacaze et fleur de mo jardin! Mo finne faire face à beaucoup banne difficultés pou faire toi vinne sa grandeur là. To même to trankilité de mo le coeur et ène réconfort pou moi. Mo pas capave tolère to séparation pou même ène instant.

Oh mo la vie! Azordi, Ti-zenfant de Rasoulullaah, Zenfant de Sayyidatuna Faatimah pé bizin faire face à beaucoup banne cruautés dans Karbala. Oh mo garçon! Eski to pou capave sacrifier to la vie lors so lipieds? Malédiction lors nous sa qualité la vie là ki nous encore vivant, alors ki pé faire banne

cruautés lors Rasoulullaah ﷺ so Ti-Zenfant
رضي الله تعالى عنه et aussi martyrise li. Si to encore rappelle mo
l'amour et l'affection ki mo finne éna pou toi, et to pas finne
oublier banne difficultés ki mo finne bizin faire face pou grandi
toi, alors Oh mo garçon! Sacrifier toi pou Le Bien-Aimé
Husain رضي الله تعالى عنه.

Le jeune marié husaini, Sayyiduna Wahab رضي الله تعالى عنه finne
dire: Oh mo Mama! Couma li pou ène très bon destin pou moi
si mo sacrifier mo la vie lors Imaam Husain رضي الله تعالى عنه. Mo
prêt pou sa de tout coeur. Mo juste bizin permission pou
quelques instants pou dire quelques banne kitchoses à sa
madame là, ki li finne garde l'espoir lors moi pou so confort et
li pas même lève so regards vers quelqu'un d'autre excepter
lors moi. Si li envi, alors mo pou donne li permission pou ki li
vivre so la vie couma li envi.

Sa mama là finne dire à so garçon: Oh mo garçon! Banne
madames généralement zot moins intelligente! Mo peur ki
attention so conseille change to l'intention et to perdi sa
l'honneur éternelle là. Le jeune marié husaini, Sayyiduna
Wahab رضي الله تعالى عنه finne dire: Oh mo chère Mama! L'amour
pou Imaam Husain رضي الله تعالى عنه li aussi solide dans mo le coeur
ki إِنَّ شَاءَ اللَّهُ عَزَّوَجَلَّ personne pas pou capave diminuer li, et
détermination pou sacrifier mo la vie, sa finne graver coumsa
dans mo le coeur ki personne pas pou capave efface li.

En disant sa, li finne alle cot so madame et li finne informe li ki, Ti-Zenfant de Rasoulullaah ﷺ, Garçon de Mawla A'li et Sayyidatuna Faatimah pé faire face à beaucoup difficultés dans la plaine de Karbala. Banne traîtres finne entour li. Et li mo souhait sa, ki mo sacrifier mo la vie pou li. Quand sa nouvelle mariée là finne entendre sa, li finne prend ène respiration très profonde et li finne dire: Oh couronne de mo la tête! Li chagrinant ki mo pas pou capave vinne ensam avec ou dans sa bataille là. Sharia'h de Islaam pas finne permettre banne madames pou alle la guerre lors champs de bataille. Li chagrinant ki mo pas pou gagne sa l'honneur là ki mo la guerre avec banne l'ennemie ensam avec ou et mo sacrifier mo la vie pou Imaam Husain رضى الله تعالى عنه.

شِخْنُ اللَّهِ عَزَّوَجَلَّ! Ou finne décide pou alle dans le jardin de Paradis cot pou éna banne Hoor ki pou rode reste dans ou service. Faire juste sa faveur là lors moi ki quand pou présente ou banne faveurs ensam avec sa banne Ahl-e-Bayt الرضوان là, et banne Jannati Hoor pou vinne dans ou service, à sa moment là, ou pou garde moi ensam avec ou.

Le jeune marié husaini finne alle cot Imaam Husain رضى الله تعالى عنه ensam avec so madame et mama pieuse. So épouse finne dire: Oh Bien-Aimé Garçon de Rasool! Ène Martyre aussitôt ki li tombe depuis so cheval, li tombe directement dans les bras de banne Hoor, et banne servantes de Paradis reste dans so service avec obéissance. "Li" envi sacrifier so la vie lors Ou. Et

mo complètement impuissant, mo péna sa qualité famille là aussi ki pou prend mo nouvelle. Mo requête c'est sa ki mo pas reste séparer avec li le jour du jugement, et dans sa le monde ici là, Ou Ahl-e-Bayt garde moi parmi zot banne servantes et mo la vie en entier passe dans service de banne madames رَضِيَ اللهُ تَعَالَى عَنْهُمَا de ou la famille.

Tous sa banne promesse là finne faire devant Imaam Husain رَضِيَ اللهُ تَعَالَى عَنْهُ et Sayyiduna Wahab رَضِيَ اللهُ تَعَالَى عَنْهُ aussi finne dire ki, Oh Imaam Husain! Si mo gagne Paradis par intercession de Rasoulullaah صَلَّى اللهُ تَعَالَى عَلَيْهِ وَآلِهِ وَسَلَّمَ, alors mo pou dire: Yaa Rasoulallaah صَلَّى اللهُ تَعَالَى عَلَيْهِ وَآلِهِ وَسَلَّمَ! Laisse sa madame là reste avec moi. Le jeune marié husaini, Sayyiduna Wahab رَضِيَ اللهُ تَعَالَى عَنْهُ finne prend permission avec Imaam Husain رَضِيَ اللهُ تَعَالَى عَنْهُ et li finne alle lors le champ de bataille.

L'armée de banne l'ennemie finne peur quand zot finne trouver ki ène personne avec ène visage illuminée couma la lune pé avance vers zot lors cheval avec ène pique dans so la main et bouclier lors so zépaules, et li pé lire sa couplet là avec ène la voix ki faire le coeur trembler:

أَمِيرٌ حُسَيْنٌ وَنَعَمَ الْأَمِيرُ لَهُ لَمْعَةٌ كَالسِّرَاجِ الْمُنِيرِ

(C'est-à-dire, Hazrat Husain رَضِيَ اللهُ تَعَالَى عَنْهُ li Le leader, et ène très bon Leader. So brillance coumadir ène la lampe illuminée.)

Sayyiduna Wahab رَضِيَ اللهُ تَعَالَى عَنْهُ finne rentre dans le champ de bataille coumadir ène zéclaire inattendu. Li finne montrer so grand expertise de combattre depuis lors cheval, et li finne challenge banne l'ennemie pou combattre, et n'importe ki sanlà ti pé vinne de l'avant, li ti pé coupe zot li cou. La tête de banne l'ennemie arrogant finne accumuler tout autour de li. Le corps de so banne l'ennemie ki pas aussi compétent ki li ti rempli avec du sang lors la terre. Soudainement, li finne change so monture so direction et li finne vinne cot so mama et li finne dire so mama: Oh mo mama! Maintenant to finne bizin satisfait avec moi? Et après li finne alle cot so madame ki ti pé pleurer beaucoup et li finne encourage li pou garde la patience.

En même temps, ène la voix finne annoncer depuis banne l'ennemie: 'هَلْ مِنْ مُبَارَرٍ؟', c'est-à-dire, éna kiken pou vinne combattre? Sayyiduna Wahab رَضِيَ اللهُ تَعَالَى عَنْهُ finne monte lors so cheval et li finne alle vers le champ de bataille pendant ki so madame ti pé guette li aller avec so lizié rempli avec larmes.

Le jeune marié husaini, couma ène lion en colère, li finne arrive lors champ de bataille en vitesse avec so l'épée tranchante et so pique. Là-bas, de côté banne l'ennemie ti éna ène brave guerrier et fameux chevalier ki ti appelle Hakam bin Tufail et li finne attaquer avec plein d'arrogance, et Sayyiduna Wahab رَضِيَ اللهُ تَعَالَى عَنْهُ dans ène seul attaque li finne lève li lors pointe de so pique et jette li en-bàs lors la terre avec autant la

force ki so banne les os finne casser. Finne éna ène bruit dans tous les deux l'armées et banne soldats de l'ennemie finne perdi courage de combattre. Sayyiduna Wahab رَضِيَ اللهُ تَعَالَى عَنْهُ finne faire so cheval galouper et li finne arrive juska cot banne l'ennemie.

N'importe ki guerrier ti pé vinne faire face avec li, li ti pé pique zot avec so pique et jette zot en-bas, juska ki même so pique finne casser. Li finne donc retire so l'épée depuis dans so fourreau et li finne coumence sépare li cou de so banne l'ennemie depuis zot le corps. Quand banne l'ennemie pas finne capave faire face dans sa la guerre là, alors A'mrou bin Sa'd finne donne l'ordre so banne soldats pou entoure sa jeunesse là et zot tous attaque li en même temps. Donc, banne-là finne faire coumsa même.

Quand le jeune marié husaini finne tombe en-bàs après ki so le corps finne rempli avec banne blessures, alors ène l'ennemie malicieux avec ène le coeur noir finne coupe so li cou et avoye li vers l'armée Husaini. So mama ti pé passe la tête de so garçon lors so visage et li ti pé dire: Oh mo garçon! Mo brave garçon! Maintenant, to mama finne satisfait avec toi. Après sa, li finne prend so la tête et donne li à so madame. Sa jeune mariée là finne frissonner et immédiatement so l'âme finne quitte so le corps et finne alle joindre so missié.

أَسْكَنَكُمَا اللَّهُ فَرَادَيْسَ الْجَنَانِ وَأَغْرَقَكُمَا فِي بَحَارِ الرَّحْمَةِ وَالرِّضْوَانِ

(C'est-à-dire, Ki Allaah عَزَّوَجَلَّ accorde ou banne jardins dans Firdaws et immerge ou dans banne la rivières de banne bénédiction et plaisirs.) (Sawaanih-e-Karbala, pg. 141 juska 146)

Chers frères en Islaam! Ou finne trouver couma l'amour pou banne Ahl-e-Bayt عَلَيْهِمُ الرِّضْوَانُ et l'émotion pou vinne ène Martyre (Shaheed), couma c'est ène grand faveur sa! Ène jeune ki finne marier depuis seulement 17 jours, finne alle affronte ène grand l'armée de banne l'ennemie lors champ de bataille et li finne gagne le grade de ène martyr et en même temps mérite le Paradis. Milliers Salaam lors sa jeune marié husaini là so mama et so épouse aussi.

Avec ki qualité grand courage sa mama là finne guette so garçon et sa jeune mariée là finne guette so missié sacrifier li lors lipieds de Chef de banne Martyres, Imaam Husain رَضِيَ اللَّهُ تَعَالَى عَنْهُ! Ki Allaah عَزَّوَجَلَّ accorde un peu sentiment pou Islaam à nous banne mama et soeurs depuis dans sa énorme sentiment pou Islaam ki sa banne madames avec banne grades très haute là ti éna. Et coumsa, banlà aussi capave présente zot zenfants pou zot faire banne sacrifices pou la religion de Islaam, zot faire banlà adopter banne pratiques de Sunnah et convaincre zot pou voyage dans banne Madani Qaafilah ensam avec banne Amoureux de Rasoulullaah ('Aashiqaan-e-Rasool).

Lootné rahmatein Qaafilé mein chalo

Seekhné sunnatein Qaafilé mein chalo

Hogi hal mushkilein Qaafilé mein chalo

Khatm ho shaamatein Qaafilé mein chalo

صَلُّوا عَلَى الْحَبِيبِ صَلَّى اللَّهُ تَعَالَى عَلَى مُحَمَّدٍ

3 FRÈRES BRAVE

Hazrat-e-‘Allaamah Abul Faraj ‘Abdur Rahmaan bin Jawzi رَحْمَةُ اللهِ تَعَالَى عَلَيْهِ pé mentionner dans *Ou’youn-ul-Hikaayaat*: 3 jeunes frères ki ti banne chevaliers très brave depuis La Syrie, finne sorti ensam avec l’armée de Islaam pou alle faire Jihaad. Mais zot pas ti pé marche ensam avec l’armée, au contraire, zot ti pé marche à l’écart de l’armée de Islaam et quand ti pé bizin camper aussi, alors zot ti pé faire li à l’écart même. Et aussi longtemps ki banne kaafir zot l’armée pas ti pé attaquer en premier, zot pas ti pé participe dans la guerre. Ène fois, ène grand l’armée de Rôme finne attaque banne musulmans et zot finne martyrise plusieurs banne musulmans et emprisonne beaucoup aussi. Sa banne frères là finne dire entre zot ki: Banne musulmans finne bizin faire face à ène très grand problème. Li obligatoire lors nous pou ki nous pas tracasser pou nous la vie et nous participe dans le bataille.

Donc, zot finne alle de l'avant et zot finne dire banne musulmans ki ti rester et pas ti emprisonner ki: "Reste derrière nous et laisse nous combattre zot. Si Allaah عَزَّوَجَلَّ finne envi, alors nous pou suffit pou zot." Après sa, zot finne attaque franchement l'armée de Rôme et zot finne force sa banne romains là pou battre en retraite. Le roi de Rôme (ki ti pé observe le bravoure de sa 3 là) finne dire à 1 so Général: "Celui ki pou emprisonne 1 parmi sa banne jeune là et amène li cot moi, mo pou rapproche li avec moi et faire li vinne Chef de mo banne Commandants!" Quand banne soldats dans l'armée de Rôme finne entendre sa, zot finne mette zot la vie en jeux juska ki finalement zot finne reussi emprisonne tous les trois frères sans ki zot finne blesse zot.

Sa le roi Romain là finne dire: Péna aucun victoire et butin ki pli grand ki sa trois là. Après sa, li finne ordonne so l'armée pou retourner depuis là-bas et li finne amène sa 3 frères là ensam avec li dans so Capitale, Constantinople, et li finne dire: Si zot quitte la religion de Islaam, mo pou marier mo banne tifi avec zot, et dans le future mo pou faire zot vinne le roi. Sa banne frères là finne démontrer zot fermeté lors zot Imaan (la foi) et zot finne rejette so proposition.

Et après, zot finne coumence demande aide avec Rasoulullaah صَلَّى اللهُ تَعَالَى عَلَيْهِ وَآلِهِ وَسَلَّمَ et faire requête avec Li صَلَّى اللهُ تَعَالَى عَلَيْهِ وَآلِهِ وَسَلَّمَ. Sa le roi là finne demande banne ki ti présent dans so l'assemblée: Ki zot pé dire? Banlà finne réponde: "Zot pé demande aide avec

zot Prophète." Le roi là finne dire à sa banne frères là: Si zot pas accepter mo proposition, alors mo pou mette de l'huile chauffer dans 3 grand récipients et mo pou jette zot là-dans.

Après sa, li finne donne l'ordre pou mette trois récipients et allume difé en-bàs zot pendant trois jours. Pendant sa tous les 3 jours là, ti pé amène sa 3 frères là près cot sa banne récipients là et le roi ti pé re-mette so proposition devant zot, ki quitte la religion de Islaam et mo pou marier zot avec mo banne tifi et aussi donne zot le royaume aussi dans le future. Mais zot ti pé rejette sa proposition là. Sa 3 frères là à chaque fois zot finne reste ferme lors zot Imaan. Après 3 jours, le roi finne appelle pli grand frère là et li finne re-propose li même kitchose, mais li finne refuser.

Le roi finne menace li ki, mo pou jette toi dans sa récipient là. Mais même sa, li finne refuser. Finalement le roi là finne encolère et li finne donne l'ordre pou jette li dans récipient avec de l'huile chaud là. Aussitôt ki finne jette li dans sa de l'huile bouillante, so la viande et la peau finne brûler et so banne les os finne apparaite là-haut. Le roi là finne faire pareil pou deuxième frère là aussi et li finne jette li dans de l'huile bouillante.

Quand le roi finne trouve zot fermeté dans Islaam dans sa banne moments aussi difficile là, et zot patience dans sa souffrance extrême là, alors li finne regretter et li finne dire à li même: Mo pas finne déjà trouve quelqu'un pli brave ki zot (sa

banne musulmans là), mais ki mo finne faire avec zot? Après sa li finne ordonne pou amène pli tipti frère là près cot li, et li finne essaye embête li à travers plusieurs banne ruses. Mais sa jeune là pas finne tombe dans so banne pièges et li pas finne laisse so fermeté affecter même ène tigit aussi.

À sa moment là, ène personne dans le roi so l'assemblée finne dire: Oh le roi, si mo convaincre li, alors ki pou mo récompense? Le roi finne réponde: Mo pou faire toi vinne Chef de banne commandants dans mo l'armée. Sa personne là finne dire: Mo d'accord. Le roi finne demander: Couma to pou convaincre li? Li finne réponde: Oh le roi, ou conner ki banne dimounes arabe zot intéresse zot beaucoup avec banne madames, et Rôme en entier conner ki mo tifi éna ène beauté unique et péna personne ki aussi jolie couma li dans Rôme en entier.

Quitte sa jeunesse là avec moi, moi mo pou laisse li tout seul avec mo tifi et mo tifi pou reussi embête li. Le roi finne donne sa personne là 40 jours le temps et li finne quitte sa jeune garçon là avec li. Sa personne depuis dans le roi so l'assemblée là finne prend li finne amène li cot so tifi et li finne raconte li tous ce ki finne passer. Tifi là finne d'accord pou faire ce ki so papa envi li faire. Mais sa jeune garçon là finne coumence reste coumsa avec sa tifi là ki li ti pé reste Roza pendant la journée et li ti pé passe so la nuit en entier dans faire banne Nawaafil,

juska ki durée le temps là ti près pou fini et le roi finne demande papa de sa tifi là concernant sa jeune garçon là.

Alors sa papa là finne vinne demande so tifi et so tifi finne dire ki: Mo pas finne reussi embête li. Li pas pé attiré vers moi. Peut-être so raison c'est sa ki finne assassine so tous les deux frères dans sa la ville là et li reste rappelle zot. Donc, demande le roi pou augmente le temps ki li finne accorder et envoie nous dans ène l'autre la ville. Sa papa là finne raconte tousa-là à le roi et le roi finne augmente banne jours et li finne ordonne pou ki amène sa deux là dans ène l'autre la ville.

Mais là-bas aussi, sa jeune garçon là finne reste ferme lors so routine de reste Roza dans la journée et reste occuper dans banne l'baadah dans la nuit, juska ki quand finne reste seulement 3 jours pou ki le temps ki le roi finne donner fini, sa tifi là finne dire à sa garçon là avec impatience: Mo envi rentre dans to religion. Et coumsa, sa tifi là finne vinne musulman. Après sa, zot finne faire plan pou sauver depuis là-bas. Sa tifi là finne amène 2 cheval depuis dans l'écurie et zot finne monte lors banne cheval là et coumence dirige zot vers le royaume de Islaam. Dans ène la nuit, zot finne entendre galops de banne cheval derrière zot.

Sa tifi là finne penser ki banne soldats de Rôme finne poursuivre zot et finne maintenant approche avec zot, et li finne dire sa jeune garçon là: Faire du'a avec sa Rab عَزَّوَجَلَّ à lors ki mo finne fini amène la foi ki li débarrasse nous depuis

nous banne l'ennemie. Quand sa jeune garçon là finne virer et guette à l'arrière, alors li finne surprit pou trouve so sa 2 frères ki finne fini Shaheed (vinne banne Martyres) là ensam avec ène groupe de banne anges lors sa banne cheval là. Li finne faire zot Salaam et après sa li finne demande zot concernant zot situations. Banlà finne dire: Nous ti fini arrive dans Jannat-ul-Firdaws dans ène seul plongée et Allaah عَزَّوَجَلَّ finne envoie nous vers toi.

Après ki zot finne dire sa, zot finne aller et sa jeune garçon là finne arrive dans La Syrie ensam avec sa tifi là, li finne marier avec li et zot finne coumence reste là-bas même. Sa 3 frères Syriens brave là zot zistoire finne vinne célèbre dans La Syrie et finne écrire banne poèmes dans zot grandeur, et parmi là-dans éna sa couplet là:

سَيُعْطَى الصَّادِقِينَ بِفَضْلِ صِدْقٍ نَجَاةً فِي الْحَيَاةِ وَفِي الْمَمَاتِ

Traduction: Très bientôt. Allaah عَزَّوَجَلَّ pou accorde la délivrance à banne véridiques dans la vie et la mort par barakat de la vérité.

(Ou'youn-ul-Hikaayaat, pg. 197, 198)

Ki Allaah عَزَّوَجَلَّ verse so Rahmat lors zot et pardonne nous par zot Swadaqah.

صَلُّوا عَلَى الْحَبِيبِ صَلَّى اللَّهُ تَعَالَى عَلَى مُحَمَّدٍ

Chers frères en Islaam! Ou finne trouver couma sa 3 frères de la Syrie là finne démontrer fermeté lors Imaan? Couma Imaan ti graver dans zot les coeurs? Zot pas ti banne ki seulement dire ki zot content Rasoulullaah ﷺ, mais zot ti véritablement banne sincère Amoureux de Rasoulullaah ﷺ. Sa deux frères là finne vinne banne martyres et zot finne mérite banne faveurs éternelle de Jannat-ul-Firdaws, et troisième frère là pas finne même guette vers sa jolie tifi de Rôme là et li finne reste occuper dans l'baadah pou Allaah ﷻ jour et nuit. Et celui ki ti vinni avec l'intention pou la chasse, li même li finne vinne captif. Par sa récit là, finne aussi conner ki appelle à l'aide à Rasoulullaah ﷺ, et dire 'Yaa Rasoulallaah ﷺ', sa li parmi banne ancien pratique de banne musulmans ki lors la vérité.

Yaa Rasoulallaah ke na'ré se ham ko pyar hai

Jiss nai yeh na'rah lagaya ous ka béra paar hai

صَلُّوا عَلَى الْحَبِيبِ صَلَّى اللَّهُ تَعَالَى عَلَى مُحَمَّدٍ

REJET DE CONFORTS DE SA LE MONDE LÀ

Sa jeune garçon syrien رضى الله تعالى عنه là so détermination et persévérance, et so fermeté lors Imaan, Marhaba! Réfléchit un peu! So 2 frères finne vinne banne Martyres devant li, mais li pas finne laisse so firmeté affecter même ène tigit, ni banne menaces finne capave faire li peur, et ni so emprisonnement et banne les autres problèmes finne capave élimine so

détermination. Le protecteur de la vérité finne triompher lors banne problèmes, et so détermination pas finne affecter même ène tigit devant sa cyclone de banne malheurs là. Ène Amoureux de Allaah ﷺ et Rasoulullaah ﷺ, pas finne porte ditout attention à banne malheurs de sa le monde là, au contraire, li finne accueillir tous banne problèmes ki finne éna dans le chemin de Allaah ﷺ avec la joie. Aussi, même gourmandise pou la richesse et beauté pas finne capave faire li dévier depuis so détermination, et sa Ghaazi (Guerrier Islaamique) là finne rejette tous qualité comforts de sa le monde là pou so religion Islaam.

*Yeh Ghazi yeh tere pur-asraar bandé
Jinhein tu nai bakhsha hai zawq-e-Khudaai
Hai thokar se do neem sehra-wa-darya
Simat kar pahaar oun ki haybat se raai
Do 'aalam se karti hai begaana dil ko
A'jab cheez hai lazzat-e-Aashnaai
Shahaadat hai matloob-o-maqsood-e-mu'min
Na maal-e-ghaneemat na kishwar kushaai*

Finalement, Allaah ﷻ finne créer beaucoup banne moyens pou so libération. Sa tifi de Rôme là finne vinne musulman et zot finne finalement marier.

Chers frères en Islaam! Si ou aussi ou envi gagne le succès dans les deux mondes, alors voyage ensam avec banne Amoureux de Rasoulullaah dans banne Madani Qaafilah pou ène formation lors Sunnah. Et faire li vinne ène routine pou rempli ou livret de Madani In'aamaat tous les jours à travers 'Fikr-e-Madinah', et dans les 10 premier jours de chaque Madani mois, remettre li à ou zimmedaar (responsable).

صَلُّوا عَلَى الْحَبِيبِ صَلَّى اللَّهُ تَعَالَى عَلَى مُحَمَّدٍ

LI TI POU BON SI MO TI POU MUET

Ameer-ul-Mu'mineen, Hazrat-e-Sayyiduna Siddiq-e-Akbar رضي الله تعالى عنه malgré ki li ti ène Jannati confirmé, li ti pé beaucoup peur banne malheurs de la langue. Donc, li ti pé abitier dire: Li ti pou bon si mo ti pou muet, mais mo ti pou éna la capacité de cozer seulement juska limite de faire Zikrullaah. (*Mirqaat-ul-Mafaateeh, vol. 10, pg. 87, sous le Hadeeth 5826*)


صَلُّوا عَلَى الْحَبِيبِ صَلَّى اللَّهُ تَعَالَى عَلَى مُحَمَّدٍ



POU VINNE ÈNE MUSULMAN PIEUX ET ÈNE NAMAASI

Pou le plaisir d'Allaah ﷻ, participe avec bon bon l'intentions dans ijtim'a hebdomadaire de **Dawat-e-Islami** ki rempli avec l'enseignement de Sunnah, tous les Samedi soir après Namaaz-e-I'shaa. – Pendant 3 jours dans chaque mois, voyage ensemble avec banne Amoureux de Rasoulullah (A'ashiqaan-e-Rasool) dans **Madani Qaafilah** pou gagne ène formation lors Sunnah. – Faire li vinne ène routine ki tous les jours, à travers "**Fikr-e-Madinah**", ou remplie le livret de **Madani In'aamaat**, et dans les 10 premier jours de chaque Madani mois (mois Islamique) remettre li à responsable de Dawat-e-Islami dans ou region.

Mo Madani but: "*Mo bizin essaye corrige mo même et entier le monde so dimoune*" **اِنَّ هَآءَ اللّٰهَ عَزَّوَجَلَّ**. Pou corrige mo même, mo bizin mettre en pratique Madani In'aamaat, et pou corrige entier le monde so dimoune, mo bizin voyager dans Madani Qaafilah, **اِنَّ هَآءَ اللّٰهَ عَزَّوَجَلَّ**!



MC 1286

21, Maulana Ibrahim Khushtar Street (ex. Ail-Doré), Plaine-Verte,
Port-Louis, Mauritius.

Numero Téléphone: 2163415

Web: www.dawateislami.net | E-mail: translation@dawateislami.net